

797 est'. Mane^a, florentibus per aetatem studiis, seminavi in Brittania^{b1}, nunc vero^c frigescente sanguine, quasi vespere^d, in Francia seminare non cesso; utraque enim, Dei gratia donante, oriri optans.

Mihique, fracto^e corpore, solatio est sententia sancti Hieronimi, qui ait in epistola^f ad Nepotianum: 'Omnes pene virtutes corporis mutantur in senibus et, ⁵ crescente sola sapientia, decrescunt cetera'^{g2}. Et post paululum^h: 'Senectus vero eorum, qui adulescentiam suam honestis artibus instruxerunt et in legeⁱ Domini meditati sunt die ac nocte, aetate fit^k doctior, usu tritior^l, processu temporis sapientior; et veterum studiorum dulcissimos fructus metet'^{m3}. In qua epistula^f de sapientiae laude et veterum studiis plura potest cui placueritⁿ legere; et intellegere, quantum ¹⁰ veteres in decore sapientiae florere studuerunt.

In hac vestram Deo amabilem et vitae^o laudabilem semper proficere et gaudere agnovi diligentiam; et nobilitatem saecularis prosapiae maiore^p mentis nobilitate exornare^q. In qua dominus noster Iesus Christus, qui est virtus et sapientia Dei, te custodiat et exaltet et ad gloriam beatae et perpetuae visionis suae pervenire faciat. ¹⁵

122.

*Alcvinus Osbertum patricium (quondam Offae regis Merciorum ministrum) hortatur, ne animo cadat. Varia addit de commutatione rerum in Merciorum et Northanhumbro-
regnis facta; de admonendis regibus; de Offae mortui regis legibus exercendis⁴. 797.*

Codd. A 1 fol. 136'—138', A 1 p. 161—164 n. 115; Willelm. Malmesbir. Gesta reg. Anglor. L. I § 70. 94 duas epistolae partes affert^a.*

Ed. J 79.

VENERANDO VIRO ILL.⁵ PATRICIO^b HUMILIS LEVITA ALBINUS SALUTEM.

Memor laudabilis fidei vestrae et condite inter nos dudum amicitiae, [has] vestrae^c dirigere studui literulas^d commonitorias^e placiti nostri et salutis nostrae, quia procul iam^f corporalis praesentiae dulcedinem et familiaritatem alloqui^g habere inter ²⁵ nos propter longinquitatem viae et fluctuantibus^h pelagi tempestatibusⁱ [destitimus].

Multa tibi evenire audivi, quae quidem sine magno dolore animus tuus non patiebatur. Nec tibi solummodo specialis tribulatio mentis fuit, sed etiam totius regni tui^{k6}, cui consiliarius ex sapientia tibi a Deo data esse debes; ut^l etiam genti

^a) Multa K, A 1*. ^b) Britannia K 1, T; Britannia A 1*. ^c) ergo K 1, A 1*; om. K 2. ^d) om. K 2. ^e) Mihi franco T*. ^f) aep. K 1. ^g) decrescant cet. T*. ^h) paulum K 2. ⁱ) et legem K 2. ^k) sit K 2, T*. ^l) corr. in tristior K 1; peritior A 1*. ^m) metit T*, A 1*. ⁿ) placeat K, A 1*. ^o) inte K 1, A 1*. ^p) maiorem K 2. ^q) exhornare K; exhorn. h. eraso T*.

122. ^a) Lemma: Epistola Albini A 1. ^b) patrico A 1. ^c) manus recens corr. in vobis in A 1; vobis A 1*; sed pietati vel simile quid excidisse videtur J. ^d) literulis corr. manus recens in literulas A 1; litterulas A 1*. ^e) commonitorias A 1; commonitorias A 1*. ^f) procul iam scripsit J. pro proquam A 1, ubi manus recens corrigendo scripsit postquam; postquam A 1*. ^g) alloqui A 1. ^h) manus recens corr. in fluctuantes A 1, sic A 1*. ⁱ) corr. manus recens in tempestates destitimus A 1, sic A 1*. ^k) tui scripsit J. pro sui A 1. ^l) ut corr. manus recens in quin A 1; quin A 1*.

1) Cf. supra ep. 24 p. 65; V. Alcvinus c. 8 (SS. XV, 189): Docuit multos in Britannia et non paucos post in Francia. 2) Hieronymi ep. 52 c. 2, opp. ed. Vallarsius I, 254. 3) Ibidem. 4) Hanc epistolam ad Osbertum patricium Merciorum missam esse declarat Willelmus Malmesburiensis, duas partes eiusdem epistolae afferens, in Gestis regg. Angl. L. I § 70 et 94; v. infra p. 179 n. 6. et p. 180 n. 2. Fuerat autem Osbertus Offae regis Merciorum minister, ut intellegimus ex Offae tabula anno 788. data ap. Gray Birch Cartul. Saxon. I, 353: Ego Offa rex Merciorum tibi Osberhto ministro meo atque uxori tuae, et si contigerit, ut vobis filius aut filia nati fuerint, trado terram cet. J. 5) Osberto, v. supra n. 4. 6) regni Merciorum.